

奏施行等因到臣會同

欽差總督軍務御用監太監張議得寧夏東路花馬池
興武營二處俱係極邊沙漠虜賊入寇中原必由之
處為因軍伍單弱先年往往失利已該臣一清總制
邊務之時奏

請將花馬池千戶所改設寧夏後衛興武營改設守禦千
戶所各添撥軍人住種防守今花馬池已添新軍五
千餘名似勾保障惟興武營止撥到克發等項軍人
數又不敷隨到隨逃不得實用武備依前單弱誠恐
將來虜賊窺伺侵犯少有失利貽患非輕今據鎮巡
等官太監張弼等呈乞具

奏要將革爵實鑄遺留隨侍一百戶旗軍改調前項地
方克軍以實邊一節委的相應臣親在寧夏地方
詢訪相同故敢冒昧上陳伏乞

聖恩憫念極邊重地防虜為急乞

勅兵部議處合無將真鑄隨侍一百戶所旗軍盡數改撥
興武營守禦千戶所當軍食糧餘丁亦隨營居住貼
軍當差逃故之數行文原籍官司清勾前來本所補
伍以嚴武備以壯邊城用消虜賊窺伺之患非惟邊
方有幸實亦陝西腹裏軍民之福也緣係撥補軍伍
以實邊備事理未敢擅便為此具本謹題請

旨

題為分別將官功過事行據巡按陝西監察御史周廷
徽呈稱奉臣守帖仰會同都布按三司委官即便吊
查各該鎮巡守官各奏本內事情務取歸一何官發
與何官運下制勝領何項人馬得獲前功作急呈來
以憑具奏以得回護奉此遵奉會同陝西都布按三
司都指揮僉事陳善參議許莊副使黃繡調取陝西
延綏寧夏鎮巡等官曹雄等節次題奏過平定反賊
何錦等始末案卷并節據各該將官開報手本查得
正德五年四月二十八日據延綏總兵官馬昂差總
獲紀順口報有領軍見在靈州等處截殺副總兵侯
勛遊擊吐州源差人報稱反賊安化王并丁廣等被本

鎮遊擊仇鉞等捉獲周昂自刎身死何錦走出大壩
有總兵官曹雄等計議進城平亂等情該職看係捷
音除具

題訖五月初三日又准總兵官馬昂手本開稱有寧夏
副總兵楊英差靈州夜不收張道同口報有反官何
錦丁廣領了三千人馬往大壩看守不在本月二十
一日楊英密地差人賞善與遊擊仇鉞二十三日仇
鉞將首惡周昂等殺了捉了安化王二十四日楊英
會同參將閔綱協同守備都指揮黃正保勳史鏞各
領兵馬過河等因該馬昂會同鎮守太監孟山巡撫
都御史黃珂看係都土捷音亦各將情具

題及用手本備行到賊又查得五月初八日據今陞副
總兵仇鉞手本開稱正德五年二月初一日先該鎮
守總兵官姜漢等會議手本為聲息事行移鉞統領
遊兵三千員名分布迤西大壩王泉等營副總兵楊
英統領奇兵三千員名分布楊顯等堡各按伏四月
初五日有寧夏都督王賓鑄叛逆將太監李增總兵官姜漢少監鄧廣請
去飲酒何錦等帶領同謀指揮千百戶張欽等將李
增等殺死何錦等又去各衙門將都御史安惟學少
卿周東都指揮楊忠等亦各殺死及將各官原領
制勅符驗印信閑防旗牌家財盡行搶去無存分守叅議

侯啓忠知覺脫走次日尋獲肘錄監禁管糧通判張
江亦被捉拿拘收倉庫鎖鑰燒燬各衙門文卷簿籍
脫放見監罪囚掣取渡河船隻安化王偽設官職本
日何錦賺調鉞等兵馬至初六日領兵到城楊英逢
遇指揮尹清同去廣武渡河靈州駐劄安化王何錦
等又將

慶府并各郡王將軍中尉家財逼索散軍節出令肯榜
文扇惑人心鉞欲要召人刺殺但原領兵馬先被何
錦等盡行拆散不容一人跟隨外無糧兵恐獨力難
成本月初八日得報總兵官曹雄統兵前來征勦先
發都指揮黃正遊兵三千靈州駐劄行令黃正與副

總兵楊英守備史鏞等撥人沿河巡邏設法邀取船隻十四日楊英等領兵先用馬步水手二百餘人齊渡過河與何錦等原差者船官軍百戶姜永等對敵奪獲大小船一十七隻軍器等件本月十八日鈺家人仇書童在於靈州看牧同尹敬等回還密藏副總兵楊英等書信准總兵官曹雄手本行移鈺召集義士約期裏應外合又令協同孫隆將大小二壩草塚燒燬及調集陝西各路兵馬并東西叅將等官閻網保勳等大軍於二十日俱至靈州叅將馮積協同孫隆官軍前來大壩臨近城堡駐劄何錦等心生懼怯二十二日總兵官曹雄發把總指揮李禎等下官軍

一千員名順河前去鳴沙川駐劄有河北巡視百戶姜永瞭見灰塵走報安化王議令何錦丁廣等領兵前去拒守大壩周昂在城上鈺乘虛密切分付都指揮鄭卿等在外擒捉鈺在城密令心腹官舍家丁人等召撫官軍在家潛伏二十三日鈺詐病睡床周昂前來看望鈺摸出佩刀揮周昂斃斫身死領人前去將安化王并同謀將軍僕實人等陸續擒斬拘羈又密差人前去大壩通知鄭卿等替軍就將何錦丁廣魏鎮等擒斬張鈺等脫去及將黨惡家屬捉拿監候二十五日總兵官曹雄遣兵前至寧夏城鄭卿等捉送何錦等赴軍門曹雄等安撫軍民心安貼

地方寧靖等因又查得先世鎮守陝西總兵官曹雄
并寧夏副參守備等官楊英六開保勳史鏞等各手
本及各官

奏題過本案卷內開報擒斬何錦等緣由逐一查對明
白俱與仇鉞先報手本內註明亦各相同又查據寧
夏叅將馮禎手本開稱六月初三日禎於寧夏城領
兵回至陳俊堡訪知首惡一賊張欽脫逃在堡親督
官軍將張欽拿獲解送總兵官楊英處監候等因近
又查准寧夏總兵官楊英一本開稱蒙

欽差總督軍務御用監太監張 見得寧夏黨惡未盡地
方未寧二次差遣指揮旗牌等官楊義山王王獻各

授以成筭齋捧鈞帖榜文前來寧夏指示鎮巡等官
一遵號令將未獲同謀黨惡申屠敬等六十二名程
保等一十名俱各擒斬及將各犯家屬俱捉監候等
因亦報前來查勘開今奉前因除將有功大小人員
另行造冊

奏繳外今將查勘各官奏題過擒斬及賊何錦并革爵
安化王寘鐸父子人等始末來歷并各官功次輕重
緣由理合具呈施行等因備呈前來案查先為前事
看得各該守臣各呈原奏本內事情多有不同會案
通行巡按御史周廷徵督同守巡官員查勘各官奏
報功以事情務取歸一以憑具

奏去後今據前因會同

欽差總督軍務御用監太監張永議得實鑄何錦等背棄
天常謀為不軌窮其逆志未可窺測

皇上命將出師聲罪致討雖鼎魚假息不過斯頃然兵刃
所交未免玉石俱焚轉輸之苦復恐財力兩竭幸賴
皇靈不振

聖武布昭各鎮將官同心協力旬月之間坐收偉績已蒙
聖恩或

賜勅獎勵或就為陞擢勸忠之典可為曲盡臣等切思各
官勲勞有大小功過有多寡奏報之言未必皆實然
詳周廷徵所呈固已得其情狀臣等復加廣詢博訪

方悉其真看
得鎮守陝西地方總兵官右軍都督府
署都督同知曹雄以邠境主將開變奮與分布腹裏
人馬拒守要衝徵調鄰境官軍揚兵討伐邀取船隻
以絕渡河之謀榜示禍福以攜脅從之黨指畫以通
仇鉞則內應克成權宜以用韓斌則土人斯附增中
衛廣武之兵以捍其所欲攻境大壩捲掃之草以攻
其所必救凡此調度皆合機宜遂使叛酋倉黃而出
義兵乘虛而起較其發蹤指示之功實出斬將擐旗
之右遊擊將軍今陞副總兵都指揮合事仇鉞賸調
入城跡雖可議潛謀結義心實靡他既而手斬元惡
逆黨寒心繫執叛王闔城生氣奮臂一呼罪人盡得

原情不失為忠論功何止掩過此二人者平亂之功當為一等但曹雄則有功而無過仇鉞則過少而功多分守寧夏東路右寨將令臣副總兵都指揮閻綱協同分守興武營令陞右寨將都指揮僉事保勳分守寧夏西路左寨將都指揮僉事馮瑱協同分守廣武營都指揮僉事孫隆守備靈州今陞遊擊將軍都指揮僉事史鏞寧夏都指揮僉事歸斌陝西都指揮僉事黃正皆能嚴兵固守以盡忠義之心約期進剿以奪梟雄之氣內保勳及寧夏右衛指揮僉事尹清各有祖母妻子在於鎮城不卹私家堅守臣節尤為可嘉寧夏都指揮僉事鄭卿始雖曲從逆賊之用既

乃卒成擒賊之功協守延綏副總兵今陞總兵官署都督僉事侯勛延綏遊擊將軍都指揮僉事時源遠提策應之功實為聲援之助凡此數人論平賊皆與有勞語効力不能無異再照寧夏副總兵今陞總兵官右軍都督府署都督僉事楊英釀鎮城之禍而先機失於禁防督邊堡之師而聞變不能約束大呼而潰三軍之心已離奉身而逃七尺之軀僅免但其後約會諸將協謀討叛奉承法令擒賊數多斯亦不為無功要之不足掩過其餘有功官員多係聽從驅使臣等不能悉數除待巡按監察御史勘明照例造冊奏繳外今將查勘詢訪過緣由具實開奏伏望

聖明省覽乞

勅該衙門查照施行緣係分別將官功過事理為此具本

謹題請

旨

題為義處

宗藩以防患將來事臣到於寧夏地方詢問官僚士庶軍民人等皆云革爵安化王寘鐸叛逆之時逼脅

慶王日逐隨衆朝見跪拜從右門而入行君臣之禮將欽賜寶纛儀仗送與僭用又逼要金銀器皿等物一萬餘兩賞勞叛軍此固寘鐸挾持叛將假借兵威迫之使然情非得已而冠履倒置亦甚矣及訪得寘鐸平昔

善營市利交通賓客又聽張會通王九兒等在府往來信其邪說妄誕異志何錦等與之往來情熟貸其財以納級資志以害人鎮巡三司等官又多被其延接納其餽送以賢王稱之此既不復禁防彼益肆無忌憚醞釀以成大禍蓋非一朝一夕之積言之可為痛心臣仰惟我

太祖高皇帝建立

宗藩分布天下即成周大封同姓之意用以控制夷夏藩屏邦家凡

親王建國之虞郡王將軍以下皆其所統無事不聽其裁處無人不歸其約束凡有奏

請事情皆瀕具啓

親王與之轉達

成法昭然千萬年之

所當繼承而不敢失墜者也當真鑄

反狀未露之時

慶王若能先事防

防必不容其交通兵將邀結人心以

成大亂及真鑄

反形已露之後

慶府護衛儀衛司

正群校等所不下數千人若能仗

義整兵嚴備

待密諭諸王共圖討賊捕告鎮城官

軍使之協心宜

力戡定禍亂豈無忠義之士應召而

興計不出此顧

乃甘心屈辱聽賊指使致將

朝廷法物棄而不保

又終無一言

奏報殊負

皇上展親之仁有失諸侯維藩之義其輔導官員豈得無

罪臣等又竊聞各處

宗藩與文武官員交結往來及招誘邪說之人在府恣

肆出入者比比有之履霜堅冰漸不可長近者鎮巡

之禍起於府第盃酒之間可為殷鑒伏願

皇上念

祖宗創業之艱難思今日守成之不易存大義於親親之

內謹事機於未發之先合無降

勅慶王少示警戒其內外輔導承奉長史等官亦合提解

赴京明正其罪別選相應官員代補其任仍申明

舊章通行天下

王府但有如真鑄私通賓客交結文武官員及招誘陰陽術數一切左道邪說之人在府出入往來者即便痛思改過嚴加禁絕

親王建國去處郡王以下悉聽約束郡王建國去處將軍以下悉聽約束如有前項違犯事情輕則懲戒禁止重則具實奏

聞區處除既往不究外將來不行後改事發大義滅親不宜輕恕輔導官員不能匡正又隱匿不行具奏者提解赴京從重處治内外文武官員所過地方止許朝見

親王其郡王獨自治國去處方許朝見此外敢有似前與郡王將軍中尉儀賓等府孟酒往來接受餽送禮物者拿問治罪罷職不叙如此則界限分明禮法嚴整邪人無由而接則邪念無自而生非惟地方之幸亦

宗藩之福也臣等切見

皇上嗣位以來於天下

王府禮義隆洽過於

先朝而實鑄乃敢負義背

恩構此大變不勝忠憤激切故敢冒昧上言緣係議處宗藩以防患將來事理未敢擅便為此具本謹題請

旨

題為遵奉

勅諭起解後獲反逆賊寇事據寧夏鎮巡等官太監張新
都御史馬炳然總兵官楊英御史周廷徵各呈為衆
官反逆殺死鎮巡大臣事將後獲馮經等取出會同
重復審據馮經供年三十六歲寧夏左屯衛指揮僉
事管屯正德五年四月初三日有已故指揮丁廣請
經在伊家飲酒彼有何錦等三十餘人同飲是經問
這酒因何有何錦回說你到初五日跟我去便知等
語各散次日有今在官徐文孝故兄充軍千戶徐欽
與已解何錦已殺周昂已故丁廣同革爵安化王寘

鐮謀反差已殺儀賓夏琳去平虜城謀約徐欽等一
十二人前來舉事各允本月初五日經在巡撫察院
稟事只見丁廣等帶領人馬入院將安都堂楊都司
殺死經總知謀反事情丁廣就叫經去殺清理屯田
周少卿此時經因恨周少卿比較要增屯地當就取
刀回到按察司是經用刀向周少卿砍訖二刀身死
彼有在官夜不收閻添孫潘六千即潘成乘亂跟隨
丁廣亦各用刀亂砍閻添孫潘成又用刀故將跟隨
周少卿書吏屠成岳寧等砍身死俱剥去衣服後衆
夜不收因惟在官指揮李泉平素刻剥聲言要殺本
官知覺懸在化王府內被衆夜不收將伊家財亂

旨

題為遵奉

勅諭起解後獲反逆賊寇事據寧夏鎮巡等官太監張弼都御史馬炳然總兵官楊英御史周廷徵各呈為衆官反逆殺死鎮巡大臣事將後獲馮經等取出會同重復審據馮經供年三十六歲寧夏左屯衛指揮僉事管屯正德五年四月初三日有已故指揮丁廣請經在伊家飲酒彼有何錦等三十餘人同飲是經問這酒因何有何錦回說你到初五日跟我去便知等語各散次日有今在官徐文孝故兄充軍千戶徐欽與已解河錦已殺周昂已故丁廣同革爵安化王寘

鐮謀反差已殺儀賓夏琳去平虜城謀約徐欽等一十二人前來舉事各允本月初五日經在巡撫察院稟事只見丁廣等帶領人馬入院將安都堂楊都司殺死經總知謀反事情丁廣就斗經去殺清理屯田周少卿此時經因恨周少卿比較要增屯地當就取刀回到按察司是經用刀向周少卿砍訖二刀身死彼有在官夜不收閻添孫潘六千即潘成乘亂跟隨丁廣亦各用刀亂砍閻添孫潘成又用刀故將跟隨周少卿書吏屠成岳寧等砍身死俱剥去衣服後衆夜不收因惟在官指揮李泉平素刻剥聲言要殺本官知覺緣在化王府內被衆夜不收將伊家財亂

行搶訖李杲告鳴寘鑄却將寧夏衛官庫原該李杲收掌賞剩冬衣官布一千五百疋給與伊陪還家財本日未時徐欽等方終到城常在寘鑄左右侍衛初六日寘鑄封何錦等官職喚到在官銅匠楊茂鑄造銀關防一顆今在官刊字匠王得洪篆寫討賊大將軍字樣在上今先未故銀匠王時雍別作篆文完備後掛與封為大將軍又封徐欽為都獲十一日寘鑄承奉司寫字人管珣已殺孫景文撰成省諭文書繕寫刊成板榜此時伊男管律根傍看寫二十日寘鑄令徐欽挑選平虜城人馬一百名來用徐文孝亦在數內至二十三日來到寧夏城外

得知周昂等被誅隨即帶領人馬回至姚福堡有今陞仇副總兵着落平虜城主指揮差人到堡將原約百戶朱洗等殺死徐欽知覺帶同徐文孝各騎馬匹稍帶纒衫布帳逃躲在洪廣堡比邊沙窩內要出境外投順達賊至二十六日行至地名蘆溝兒忽遇達賊三騎追趕前來有徐文孝乘馬藏躲徐欽被達賊殺死奪去馬匹衣服後達賊退去徐文孝將徐欽所遺原戴馬尾帽一頂在傍拾回又尋獲原棄馬匹纒衫布帳回到韓信營替住今蒙總督張太監差人替同夜不收趙汝舟等訪知經并將聞孫潘成連楊茂王得洪管珣管律并李杲及徐文孝陸續擒獲有

徐文孝就指引前去蘆溝兒尋見徐欽身屍朽爛止
餘骸骨的係徐欽原屍取其頭骨并毳衫布帳馬尾
帽一同送官今蒙審供是實及審閩添孫等八名各
供與馮經供同理合照例起解呈乞施行等因到臣
會同

欽差總督軍務御用監太監張永議照前事已將先獲犯
人申居敬等并何錦等分作三起差委都指揮黃正
等先行起解赴京具

奏外後獲馮經等未經查審徐欽係首謀重犯已被殺
死恐有不及已行鎮巡等官查勘會審去後今據前
因叅照犯人馮經在先飲酒之時雖不知情及至臨

期明知丁廣等謀為反逆殺害鎮巡大臣却乃依從
指使挾讐同閩添孫潘成將公差少卿周東并書吏
屠成岳寧殺死正係兇惡黨類法難輕恕楊茂偽鑄
閩防王得洪偽篆計賊人將軍字樣革下謀反比之
偽造印信情罪尤重管珣依聽謄寫告諭文書刊榜
傳播扇惑人心情雖脅從其事亦重指揮李杲雖不
與馮經同謀但因夜不收搶伊家財聽從實鑄指以
陪賞為由將官布一千五百疋盜入已於法有違
際將李杲行鎮巡官取問應得罪名徑自具

奏發落其馮經等家屬與前解犯人申居敬等事體相
同應否俯從輕典臣等未敢擅擬已行該衙門各提

拿并管律監候以今將馮經等正犯照例差委指揮
解鈇等帶領軍人押解赴京與何錦等併問奏
請定奪緣係遵奉

勅諭起解後獲反逆賊寇事理為此開具本謹題請
旨

題為溥

恩典以恤邊軍事查得近該兵部題為存留備冬官軍事
奉

聖旨是陝西地方有事備冬官軍着仍舊存留聽調但念
他每上班日久十分艱苦寧夏各城并延綏甘涼各鎮
官軍亦皆艱苦可憐各賞官銀二兩在城官軍除從逆

外有能悔罪

出城的也各賞銀一兩戶部再差官

運送太倉銀三十萬兩着各該鎮巡官照名給散餘剩
銀兩就在陝西官庫收貯以備各邊糧餉之用欽此欽
遵照得陝西延綏寧夏甘肅四鎮官軍委多驍勇慣
戰况世受

國恩咸願効死盡力但因地方多事終歲征調無休致
令人馬困敝加以該管官員不善撫恤糧賞既不時
給又行剝削無厭以此隊無完軍軍無完衣念苦之
狀所不忍言

皇上仁同天地

特加賞賚以供衣裝之用聞者孰不舉手加額仰戴

聖恩但三鎮及寧夏各城官軍俱已沾惠獨寧夏在城之人為因彼時反逆未平拘於出城之文未得均沾恩典切緣實錄例錦謀逆之時寧夏在城官軍除同謀逆黨外近據總兵官署都督僉事楊英查報聞變出城止有官旗軍舍都指揮等官卹庶等五十二員名其餘盡被脅從在內但遊擊仇鐵一舉義兵隨即去逆効順相助滅賊可見前日從逆非其本心今惡黨俱已擒斬見在多係無罪之人大變之後憂疑未釋似宜少加矜恤以安其心伏望
聖慈一視同仁憫念寧夏鎮城官軍近被反賊逼之苦合無每員名照例各賞銀一兩仍於

內取給則彼萬死一生之餘感戴

朝廷再造之

恩出於尋常萬萬矣緣係溥

恩典以恤邊軍事理未敢擅便為此懇本謹題請

旨

題為旌死節以勵人臣事准巡撫寧夏地方本院右副都御史馬炳然咨據寧夏等衛申稱正德五年四月初五日寧夏反賊何錦等作亂之日有陝西都司都指揮僉事楊忠正在巡撫都御史安惟學處稟事偶見反賊丁廣等持刀值衝前來要殺安都堂當被楊忠當堂大罵賊狗怎敢犯上謀反等語隨被丁廣等亂

欅身死剖腹剗心又有寧夏衛納級都指揮李睿本
日一聞反賊氣忿不過前去安化府前意要衝入因
是閉門大罵辱天逆理反賊如何這等欺公罔上日
後凌遲碎割等語致被門外夜不收申居敬等亂砍
亂剗身無完膚而死又有寧夏右衛百戶張欽被何
錦等嗔恠本官不肯心悅臣順訛知革爵寘錘於四
月二十二日要拿來殺害本官知覺潛從西城牆溜
下走到雷禍堡遇見反賊百戶雷英得知前情射死
除行寧夏等衛覆勘相同具結回申前來切照寘錘
何錦等作亂之日與城之人無不被其逼脅朝賀使
用而都指揮楊忠李睿獨能挺身罵賊不屈以死百

戶張欽不肯臣順卒以殞亡此忠義之臣氣節凜然
孤立若不別加

恩典何以激動人心合無具實

上聞一體起立牌坊以表其門虜仍量陞官職以贖其後
裔未敢專擅為此合咨前去煩請照詳施行等因到
臣照得寧夏大鎮素稱文獻之邦不幸為反賊污辱
闔城官軍士庶除逆黨外其餘盡被逼脅心雖不從
外則順服禮義無耻而之恚然獨都指揮楊忠李睿
以罵賊而死百戶張欽以逃難而亡使人人皆然何
鉅等數輩妄能不效其死節之臣必加褒卹所以勵
軍聞自古聖帝明王

臣節而方大問也伏望

聖明憫念楊忠等三人死於逆賊之手乞

勅該部議奏或表其門或別為優恤仍將各應襲兒男

量陞一級以洩九死之忠憤以勵天下之臣節其於

名教不為無補緣係旌死節以勵人臣事理未敢擅

便為此具本謹題請

旨

題為十分緊急缺乏糧料馬草事准巡撫寧夏地方本

院右副都御史馬炳然咨會同鎮守太監張弼總兵

官署都督僉事湯英自得寧夏在城五倉見在銀糧

不勾主兵三箇月支用花馬池見在糧不勾主兵二

箇月支用料草全無靈州糧不勾主兵二箇月支用

馬草全無中衛糧料不勾主兵三箇月支用廣武營

糧料不勾主兵二箇半月支用興武營糧雖頗有草

料全無其餘應該按兵殺去處數多糧料草束一

切缺乏此惟計算主兵支費之數若徵調客兵到彼

愈加不足即今賀蘭山後寇賊不時近邊窺伺河套

之賊近據延綏報稱俱往西北去訖寧夏山在延綏

西北恐其窺知寧夏反變之事意欲乘隙侵掠即目

便是八月秋涼倘或山後河套兩路虜寇或流入為

患或約同夾攻未免調集客兵人馬臨時糧儲缺乏

馬匹不敷倉卒之間憑何為計查得先為緊急聲息

預備兵糧等事該職等奏蒙戶部運送銀五萬二千六百八十三兩有零四川運銀一十五萬兩俱累催不曾解到後又亦為前事該戶部又運送銀一十萬與督理糧草都御史徐以貞前來接濟今止運到五萬兩其餘五萬亦尚未到即今米價騰貴每銀一錢止買粟米一二四五升止買豌豆二斗止買小麥一斗兼以年穀不登客商稀少日貴一日不言可知况布政司原派舊糧俱已停徵新派夏糧俱各運足亦不勾用查得先年但遇邊儲缺乏許令召商開中雖則易於集事其間作弊多端已蒙停止似難復議但舍此一途不過拘刷富家收買今寧夏富家前該都

御史王一言已刷買一次後該都御史安惟學又刷買一次職等目下又要刷買一次拘刷已盡情理難堪將欲差官糶買而防守地方為重顧此失彼將欲一切給軍以銀而或時乏賣銀不可食職等處此大壞極散之餘百孔千瘡救之不懈晝夜憂惶計無所出萬一失誤地方雖將職等誅殛無遺亦無益於事矣合無轉奉乞

恩再運銀數十萬兩就選委有才智着實幹事都御史一員前來設法措買糧草再差戶部有風力屬官一員前來催備布政司稅糧并未運銀兩庶得專理其事易於集辦有備無患攻守有倚若止靠巡守官與管

糧官整理則恐事緒多端不肯久住實幹徒費文移不能濟事為此除具

題外合咨煩為照驗施行等因到臣照得寧夏一鎮東西中三路糧料草束委多缺乏而東路逼臨河套乃虜賊入寇腹裏必由之處糧儲缺乏尤甚且如花馬池每年遇冬有警常調延綏遊兵三千在彼按伏與武營遇冬常調寧夏奇兵三千在彼按伏今二處料草全無花馬池糧亦止勾土兵兩月支用倘或大虜踏冰入套擁眾近邊徵調客兵人馬將何支給既無糧草難以駐兵賊眾愈無忌憚萬一邊城失守貽患腹裏地方守臣何以辭責且寧夏鎮城大變之後人

心易於動搖見在銀糧亦不勾土兵三箇月支用根本之地如此他尚何望况山後之賊不時窺伺誠恐兩路受敵尤難支持所以鎮巡官員因見事勢窘迫煩瀆

聖聰乞討官銀乞差都御史及戶部屬官來專理其事情詞懇切蓋亦不得已也但陝西邊儲之乏不獨寧夏為然內而固原靖虜外而延綏甘肅在在空虛見今河西莊浪涼州一帶地方虜騎充斥餉道阻塞公差人員多從西番地面迂路而行近據莊浪參將魯經呈稱賊眾深入迤西土人居住地方攻尋窖藏糧畜聲言要搶西寧沿邊境外墩臺俱已丟棄烽火不

能接舉臣方經理寧夏事務聞之不勝憂懼意將徵
調陝西延綏兩鎮精兵萬餘與本鎮官軍分路夾攻
痛加誅勦以祛邊患亦因彼處邊儲空乏難以輕動
又漢中流賊嘯聚密邇郡城師老財竭迄無成功首
尾受傷中外俱困事勢至此必得大有區畫之才而
又假以便宜專制之柄乃克匡濟決非巡守等官所
可勝堪臣任總戎務軍馬所至只合責成各該巡撫
巡守管糧官員供給但今巡守管糧官既多坐視無
為巡撫官員又復貪黃無措臣若不言日後誤事之
罪雖死難贖伏願

皇上軫念陝西三邊重鎮

國家安危所係乞

勅廷臣會議合無俯從寧夏鎮巡官員所奏再發官銀數
十萬兩與同近日解送寧夏各邊并軍前合用銀兩
專備整理邊儲

簡命在京部院堂上官一員加以重權俾之督理并帶有
才力部屬官三員給今收成時月河水未凍之先分
投整理延綏寧夏甘肅三鎮邊儲陝西沿邊及漢中
地方責付巡守官整埋布政司管糧官專一往來催
督各州縣今年夏秋邊糧俱聽差來大臣裁制務
待邊儲處處克宜可具

奏回京邊儲既克通石虜警愚臣得以隨宜調遣各路

官兵防邊誅勦廢虛

宵旰西顧之憂不獨也夫軍民之幸而已臣又切思經畫邊儲不過招商派買一端而已招商易於集事茲弊或不能無派買累民暗陪然讎有所不免茲欲救目前之急不須避招商之嫌於商人增一分之利則公家有一分之益前此招商多被官豪勢要託名報中致蒙停止但舍此一途而拘刷人戶羅買緣地方特直道里遠近不同計美脚程欲不累人則須高其價省價於官而歛怨於民又非朝廷緩輯邊人之意也臣愚請

勅差來大臣不拘招商派買雜隨宜區畫俱要嚴加禁革茲

弊不許勢要報中其舊報糧草商人納完久未給價雖有

詔書明文所司猶稽於奉行蓋不止畏罪避嫌實因官銀無積之故亦須查明處給庶幾近悅遠來商販填委官事可集不然直待事情緊急竊恐招商則無肯應羅買則無從出不得已而至於空運陝西之民將不堪命况腹裏倉庫空虛無可充者雖有巧智無善處之術矣臣誠愚昧不知忌諱干冒

天威無任隕越待罪之至為此具本謹題請旨

題為改調管缺官員事照得陝西各州縣夏秋稅糧

馬草分派運送各邊以謀軍餉先年設有管糧參政一員專一管理如參政王璠安惟學若不時往來巡歷比較惟此有司官更輝其嚴明不敢偷安誤事近該參議官糧入官無大小苟得其人皆可取辦近惟巡撫寧夏地方本院右副都御史馬炳然咨稱山後達賊不時出沒套內賊蹤又往西北移營防禦之計不可不慎金花馬池興武營料草并束皆無各邊倉分見在銀糧不勾主兵二三箇月支用未聞管糧等官親歷何處倉場設一謀一策為一人一馬之費參議許莊雖不知能幹與否未見著意邊儲依時巡歷地方似此官員若雖留幹事終難克濟合無另推舉

着實幹事官員前來管糧替回本官量才別用庶能共濟邊事等因備咨到職查得陝西各鎮糧儲缺乏不止寧夏為然布政司管糧官例該催督八府糧儲以供各邊之用不止寧夏一鎮是其責任况今西有胡虜之侵南有流賊之警背理邊儲政務之大莫急於此非得才力有為實心幹事之人安可倚賴參議許莊篤實有餘風力不足用之腹裏或有可取邊方軍餉非其所長直待失誤事機罪之無益臣博訪得陝西苑馬寺少卿陳璘陝西西安府知府陳祥俱勤勵幹固素著風采使當前項責任必有可觀伏願皇上憫念邊方多事之秋軍儲為第一重務乞

勅吏部訪察議擬將參議許莊改調別省仍於陳璘陳祥
內上請

簡命一員暫陞參政職銜令其盡心往來催督八府錢糧
整理三邊糧草如果蹟効顯著待後邊情寧息之日
具

奏陞用仍照近例止選參議一員管理臣以地方安危
所係利害切身不避煩瀆

聖聽無任悚懼激切之至緣係改調推用管糧官員事理
未敢擅便為此具本謹題請

旨

題為缺官催辦錢糧刑名等事准巡撫寧夏地方本院

右副都御史馬炳然咨會同鎮守太監張弼總兵官
署都督僉事楊英查得寧夏一鎮有

王府宗室有七衛三所六驛迤八十餘處營堡倉場事
頗繁難糧草支費亦不為少近遭大變之後人心殆
不如前禮義稍踈於昔各衙門卷簿盡被反賊燒燬
黃緣作弊爭訟倍多况賀蘭山後達賊不時出沒河
套之賊又移營向寧夏方位防禦之計至為緊急今
通查花馬池興武營及寧夏城等緊要去處倉場
見有銀糧不勾二三兵支用料草甚至升束皆
無此項軍儲計其都布按三司分守管糧管屯
官整理缺乏天誅罪有攸歸今未聞各官親歷何處

倉場設一謀一策為一人一馬之費萬一失誤軍機豈不一槩負累若再兼前項官員幹事誠恐因襲故弊難以成功查得先年曾設按察司僉事一員常在寧夏居住管理錢糧刑名後奉事例裁革以後大小事務俱職等整理雖則大事不敢踈畧至於小事亦有不周切思職掌邊方領巡官之職重在軍馬城池防奸禦侮與夫錢糧刑名等事之大經大法提綱挈領張主于上耳至於條分縷析上流下接職在三司今必得按察司官一員分理庶事上下相維共成公務伏望轉

奏合無暫設按察司僉事一員常在寧夏居住聽職等

提調收放糧草問理刑名往來本鎮巡歷禁革各項奸弊不許腹裏鎮巡按衙門擅便差委但事干邊務比之腹裏事情不同若照常例推舉一則恐其到任稽遲一則恐其不知邊事宜從於陝西附近見任官內有才幹風力者訪得實跡名奏

請擢用齋憑到任管事庶濟目前之急便益等因備咨到臣照得寧夏大鎮錢糧刑名事務繁多雖有分巡分守官員常在腹裏相離邊方寫遠顧藉不周所以先年專設按察司官一員常在寧夏居住管理各項事務專聽寧夏鎮巡官員提調後奉例裁革大小事務俱是鎮巡自行整理顧此失彼未免委托衛所官員

代理以致弊奸橫生官軍受害今地方所遭大變錢糧缺乏詞訟繁興山後套中之賊兩該防禦鎮巡責任重大豈能親身庶務巡守管糧等官又皆畏難不來所以太監張弼都御史馬炳然都督僉事楊英議要照舊添設案察司官一員分理庶事一節不為無見節據寧夏等衛所官軍旗士赴臣訴告亦要添設按察司官以清錢糧奸弊所見皆同但事干邊務比與腹裏事情不同若照常例推舉恐其到任稽遲及不知邊事如兄任分巡管糧等官雖有如無何濟於是博訪得陝西鞏昌府同知張檄慶陽府同知李賓俱通敏有為且久任邊方諳練事體相應擢用伏望

聖明軫念邊事之難俯紉

之慮

勅吏部查議合無暫設按察

官一員專在寧夏居住聽

鎮巡官提調監放糧草問理刑名往來巡歷三路地方禁革各項奸弊不許磨裏撫按衙門輒便差委仍將世所推張檄等二員再加訪察如果相應疏名上請擢用齎憑到任管事以濟目前邊務之急待後邊情稍寧事體已定另為議奏裁革緣係缺官催辦錢糧刑名及推用官員事理未敢擅便為此具本謹題請

旨

題為調兵征勦犯邊賊

案查先據分守莊浪等處

右參將都指揮

呈為遠賊犯邊阻絕墩臺

缺軍守瞭事照待莊浪地
犯邊侵擾會兵勦殺今驕
往西徑奔土人居住黑寨
歲糧蓄聲言要割田
伏歸路陸續擒斬賊級
夜伏已行開報甘肅
灘等墩二十七座俱各
便照前撥人守哨緣賊
以外適中比自平嶺野
水等處賊帳數多約萬
相離到城自二十餘月
方自舊歲十月到今連賊
不退連日糾衆深入過路
西大同二岔等堡攻奪
西寧地方節統官軍設
人瓜探臨境安帳晝瞭
外查得境外該接烽火
乘無人止守順路墩臺
見在七豹嶺以裏分水
嶺起至迤南四帳井台
餘里遠近不等散畜牧
無慮日出沒往來尋險

合又見墩口有

塊割營自午戰至申時職等申

嚴號令各督官

批總指揮陳鎧等敢勇當先衝入

賊陣被賊射中

鎧數箭未傷皮肉進兵把總指揮

趙珍馬匹射死內

千戶魯儀其倫等奮不顧命就陣

斬首六顆奪獲戰

馬賊器欲再前追又值天晚收兵

回城賊人當夜仍

往原路出境十四日據夜不收陳

貴探得遠賊離城

不遠在於教場山後放馬登由塔

兒山行走據此查

得陣亡旗軍克伯赤等二名被賊

射傷官軍二十五

員名射死馬二十一匹走死馬一

十三匹及隊道浪

等衛千戶孫鑑等呈稱蒙領有馬

官軍一百員名於

本月十二日前去岔口迎接甘州

公差使客行至杜沙溝口忽遇潛伏達賊二百餘
騎穿戴明盔衣甲撲向大路交鋒被賊攻圍對敵射
死軍人徐友亮甘川都司承差關宗魁將馬夫葉泰
捉拿本役將原肯巴本去棄被搶行李站馬一匹騾
一頭戰間有武勝軍按伏遊兵馬步官軍指揮包英
等即時帶領馬步軍三百策應其賊復回原路去
訖查得被賊射傷軍人朱遷等五名射死馬八匹開
呈得此照得此賊在邊不時出沒或遣輕騎而
東西剽掠或佯之而誘我官軍顯是糾衆醜類恃
倚人馬衆大深入賊情變詐難測除整兵隄備及
將斬獲賊級奪獲馬器械割發莊浪衛收養馳伏

解驗外呈乞照驗施行隨據甘肅遊擊將軍都指揮
僉事吳英亦呈相同行間又據備蘭州地方署都
指揮僉事閻縉呈為達賊出沒竄擾稱本年七月初
一日達賊一運從鹽場溝入境按仗指揮魏時領軍
追趕對敵射傷軍人劉來全及將獼子山墩攻圍射
傷墩軍張彥方張成陳九一等三名又至地名滾巴
川等處將常哨夜不收馮六兒殺死蔣貴八無有下
落等因各呈到臣為照河西地方莊浪紅城子起直
抵鎮番永昌等處俱有達賊住牧帳窩聯絡離邊不
遠不時突入虜掠為患甚甚莊浪涼州尤甚道路阻塞
砲火傳報月無虛日先為境外該接烽火臺臺年久

丟棄不守以此賊乘虛急據即今深入迤西搶攘
聲言要搶而西地方漢漢魯經吳英各呈報斬獲首
級數亦不多似無漢漢人後從殺中間或
有別項隱情除查漢漢人後從殺中間或
臺殺死應哨人後從殺中間或
須廣徵士馬痛加誅勦庶幾後漢漢地方可寧但
臣撫制以來一向經理寧夏事務漢漢據甘肅鎮巡官
員一字呈報彼中軍馬多寡糧草虛實及賊營離遠
遠近俱難遙度止是莊浪守將節呈前因欲便調集
大兵前去策應行據各倉場查得莊浪糧料草束俱
已支銷盡絕紅城子倉止有糧七千餘石料草俱無

軍馬到被將何支給漢已經選委蘭州衛指揮陳松管
領蘭州靖虜二處挑漢情健有馬官軍八百員名前
去莊浪駐劄暫聽漢魯經調度遇有賊寇侵犯併
力追勦截殺及不次移文甘肅鎮巡漢副參遊擊
等官從長計議酌量本鎮兵馬多寡強弱如是力能
捍禦保得不致失誤漢事宜從照舊戰守互相應援
截遏不可養患殃民倘或賊勢重大兵力不敷相應
大舉誅勦就便計議進兵方畧應調去兵馬若干仍
計筭見在糧料草束漢勾主客兵馬若干支用會處
停當作急行來以憑調兵約期行事其糧儲缺乏去
處查支官銀上緊設法羅買措置毋待臨期失措責

有所歸去後亦未回報竊料此賊先被北虜小王子人馬擊殺殘敗去年潛伏河套又被我沿邊官軍尋襲斬獲數多今冬或恐不敢入套但河西地方尋槍月久野無所掠冰橋結凍之後恐有窺伺蘭州靖虜之謀彼處軍馬數少通賊隘口頗多萬一乘虛而入則會寧安定狄道金縣地方難保不遭虜掠見今漢中流賊劫聚未息調云岷岷西鳳環慶等衛馬步官軍召募民壯番兵五千六百員名續又調西安四衛備冬下班等項官軍三千員名難便掣回沿邊兵備比常單弱又恐北虜大賊踏冰入套無所不備則無所不寡首尾受敵誠難支持宜趁今河水未凍套內

無警將前賊驅逐遠世以祛河西患害以免領之憂慮幾過冬可以傳意防禦北虜欲待巡會議回文至日方具

奏緣道途阻滯不知何日方得行旅無延誤訪得莊浪外境連罕秃北至明水湖一帶罕里處處俱有賊營東至靖虜迭烈孫亦一百五十里可通人馬合無徵調延綏副總兵王勳統領兵道擊將軍時源統領遊兵二枝共六千員名寧夏各項兵馬內挑選今西路參將馬植統領兵二千員名并陝西遊兵挑選二千及固原環慶靖虜蘭州等處官兵內各挑選亦共二千員名通共客兵官軍一萬二千分作三路

一路從靖虜迤烈孫渡河一路蘭州渡河從定火城而進一路從紅城子莊浪官道而行會合參將魯經遊擊吳英涼州分守副總兵徐謙涼州按伏甘州副總兵白琮官軍人馬刻期分投出境追逐與境外之兵俱至連罕克土豹嶺斬石破崖湖一帶隨賊所向尋襲追殺直抵湖水湖地方賊敗不支莊浪涼州之賊既已驚潰之虜不戰而自走矣振中國之威於此然事干各鎮必得大將一員既領約束乃克有濟惟訪得鎮西將總兵官都督曹雄各鎮將官素所推服伏望

聖明俯垂省覽乞

勅兵部參詳議擬如果可采早為覆奏上

請行令臣照依前擬調集官兵請

勅都督曹雄提督各路將官軍馬甘肅鎮巡官統領鎮兵

專備永昌以西地方用防賊寇西走衝突之患臣統

領中軍官兵於莊浪居中駐劄調度策應必期成功

以副委任賊既遠避一面具

奏一面班師以備套賊行令該鎮將沿邊舊守墩臺查

照修築撥軍瞭守傳接烽火及將邊外舊設連罕克

板井等城堡以漸經營修復屯住軍馬方可經久無

患但各處糧料早東十分缺乏除蘭州靖虜等處已

行巡守兵備等官查支官銀
莊浪涼州地方雖節行甘肅
事仍乞俯從臣近日擬奏
巡撫查處猶恐緩不及

簡命

大臣前來督處邊儲職任專

易收成效及行各該

巡撫管糧等官趁時作急整

理勿再因循推調以誤

大計食足則兵強戎狄不患

於不服地方不患其不

寧矣正聞自古帝王之於夷

狄率則薄伐去則不追

擣虛窮追誠非至計但今失

次之虜竊伏我邊東突

西馳彼入此出迎之則不至

去之則復來昔人所謂

窮寇易以計破難用兵碎者

也若玩時愒日兵力兩

匱未免坐困中國况官路又

梗阻截貢餉不通河西

重鎮似為外境貽以夷之侮關係非輕臣不勝惓惓

體

國之至敢用昧死上言貪功喜事非臣本志

天日所鑒臣不敢欺但臣實神速事難預料旬月之間機

會以異若

命下之後糧草未備賊勢稍退及套內別有緊急賊情

另為具

奏待有機可乘不拘何月日即照題奉

成命行事庶免臨期論奏以為後時之舉緣係調兵征勦

犯邊違賊事理未敢擅便為此具本謹題請

旨

奏為謝

恩事節該欽奉

勅得爾奏行至陝西地方差官出榜撫諭寧夏軍民人等及會同總督軍務太監張永案行寧夏鎮巡等官將反賊寘鐫何錦等并的親家屬及續獲反賊查審造意根因首謀共謀脅從等第及各官原報功次事情同意各起解釋放又追收冊印冠服儀仗等物籍沒家產財物入官仍將同謀夜不收擒獲各項事情俱有次第爾奉命在邊運謀効力勤勞可嘉茲特降勅獎勵益殫心力以卹軍民以安疆場庶不負委任之重承之故勅欽此欽遵望

關叩頭謝

恩外伏念臣本庸愚先年叨承任使患病不能供職後蒙聖恩放回致仕幸得生全邇者復蒙起用適因寧夏有事勅使臨門不敢辭避星夜兼程前進行至陝西地方聞知款逆已平但人心憂疑未釋節差千戶王臣百戶常臣齋領告示榜文前去撫諭臣仍兼程到於寧夏會同

欽差總督軍務御用益太監張永處置各項事情此皆人臣職分之常別無功能可錄豈意

天地之量不棄微勞降

勅獎勵臣內自循省增愧增懼但蒲柳之質易衰犬馬之

年漸老感

恩徒切欲報未能一寸之誠不敢自負臣不勝瞻仰感戴
之至緣係謝

恩事理為此具本謹具奏

聞

奏為哀病不能供職乞

恩放回休致事臣先任前職總制陝西邊務正德元年十
二月內因在邊感冒風寒致將舊患日疾痰疾舉發
不能任事陳乞休致蒙

准馳驛回還養病後因公事連累提解赴京復蒙

聖慈寬貸容令致仕臣感

報無地方與田夫野老沐浴

詠太平正德五年五月初二日該吏部公文開

蒙人用本月初四日該錦衣衛舍人王諫齎捧

旨
寧夏反逆事情

命臣仍總制陝西延綏寧夏甘涼各路軍務臣時卧病在

於直隸鎮江府丹徒縣居住聞此大變自念

主憂臣辱非臣下辭避之時扶病強起星夜兼程到於陝

西地方又欽奉

勅旨提督京營及陝西各路人馬勦殺賊寇時寧夏反逆

已平復奉

勅會同太監張永前往彼處撫安軍民處置各項事情除

將應行事宜會本條陳次第具

奏外緣臣章句庸才柳蒲弱質中年多病齒髮漸落今
耳鳴如蟬目眩生花數步之間不能辨物又兼腰膝
無力行至跪拜十分艱辛稍加勞苦輒欲歇什雖受
恩隆厚不忍自棄而筋力衰憊不能自強况陝西三邊責
任重大軍旅之事實非所長若猶貪戀榮祿忌避不
言終恐債事貽患雖死莫贖臣是以不避斧鉞冒昧
自陳伏望
皇上天地之量憐臣衰病放回照舊致仕臣得保全骸骨
生還鄉里不勝感戴
天恩之至緣係衰病乞

恩休致事理為此具本謹具奏

聞伏候

勅旨

題為易置守備官員事案查先據守備沁州地方署都
指揮僉事高謙呈為土豪不悛恣意聚眾截路白晝
搶劫財物執刀打傷人口誦誦地方欺凌官員鄉官
等事內稱被沁州衛指揮張綸倚恃土豪聚眾家人
毀罵趕打搶奪衣服器皿要乞調守別項地方另推
官員前來代守等情已經批行分巡隴右道陝西按
察司僉事張瀾會同布政司分守官提人勘問備招
參呈定奪未報訪得守備都指揮高謙委被指揮張

給挾制欺凌野罵趕打
山之中極臨邊境番漢
勅守備乃被一屬官凌侮出
不得自由體統乖違下
番夷俱受不能統出
舍軍已
照常例將京
為奸豪之人所害情
趙濟世出將門人心素
衛指揮使燕勳練達戎
無失乞

一、次錄沈州衛僻在萬
處最難控馭高謙奉
之間動輒受制行事之際
玩慢若不早為易置或
思慮非輕但彼處土豪官
人者不止張綸一人若止
員推補恐其不知番情又
臨州衛納粟都指揮僉事
諳番情久掌衛印行事

勅兵部再行訪察上

請合無將高謙取回京管或改任別處守備於趙濟業勳
二人中推用一員守備洮州地方仍行巡按陝西監
察御史將張綸一千人證捉拿勘問明正 國法庶
使人知警懼不敢効猶後來官員可以行事緣係易
置邊方守備官員事理未敢擅便為此具本謹題請

旨

題為處置邊儲事據陝西布政司呈蒙臣批據山西陝
西等處商人李朝用等狀告前事仰布政司查去年
總制衙門曾否

奏開所告殘盜有無明文行到及查勘合已填若干未

填若干今告要將原額未納完糧草准令上納完足
填給勘合一節有無相應計處停當呈報定奪蒙此
案查正德四年七月六日少蒙總制尚書才鈞
帖據固原并山西平陽等府州商人黃河等狀告為
告查勘合事仰本司查商人黃河等報中引鹽有無
停止未收之數曾否准令上納出給實收繳報即今
有無勘合填給或不支給銀兩明白呈來施行蒙此
案查先為處置邊儲預防邊患事成化二十一年二
月初七日承准戶部陝字一千六十五號勘合該侍
郎李衍題為預備邊患事開中兩淮運司山東運司
四川鹽課提舉司成化八年至十九年常股存積鹽

共二百萬引撥榆林羊慶招商中納降到勘合二百
道本司收填節承准巡撫延綏呂都御史照會收充
商人田斌等共報納鹽七十八萬四千二百一十四
引實收到司填給勘合七十九道發領訖未中鹽一
百二十一萬五千七百八十六引未填勘合一百二
十一道正德元年九月內本司見得本處地方自弘
治十四年達賊大舉入寇之後動調軍馬費用糧草
數多以致歲入不勾歲用要符前報剩殘鹽另定價
值量為減輕行令本司招商報中收銀完日分撥臨
邊延慶等府繼買糧料草束以備邊方支用具呈遞
撫陝西右副都御史張奉定奪奏

請未示續蒙巡撫右副都御史柴昇批蒙高 人李朝用黃
河軍告種元年開中准鹽各商告撥因 原新安等倉
上納米豆穀草過例停止特納過糧皆 出給實收未
納之數見今在堡准放要行中納前百 殘鹽填給勘
合等因到司為照未蒙明文難擅准行 但各該倉場
俱係軍馬駢割要害之地李朝等既經 買有糧草在
彼堆放合無行移陝西案察司分巡 西道僉事李
璞查照彼中糧草價值先行定擬的確 價值省令各
商明白供認在官行令該倉收受明立 卷簿仍將收
過糧草數目扣算明白造冊備照每歲 給與小票執
照待至正德三年二月終如前鹽准令 中納照依引

鹽價值行仰該倉扣出實收齋繳本司給與勘合前
去該司支鹽若是不准招中查支官錢給還各商備
由具呈定奪蒙批仰依擬施行已經移文僉事李璞
查照施行一向未准回報本司將查過緣由并各年
勘合引鹽開呈照詳法後正德四年閏九月內准固
原兵備副使二凱牒 呈為告查勘合事奉總制尚書
才 劄付定擬商人 黃河等截中兩淮運司成化十
五年分中剩常股鹽一十三萬二千七百五十引每
一千引上納粟米四百石或豌豆六百石或穀草一
萬束仰司轉行固原等倉查黃河等原報引鹽糧料
草束如果俱已納完是實扣算明白出給實收付各

商賈赴布政司填給勘合前去運司支鹽亦不見開
有題

非字樣案候問節據商人湯得山等齋執納獲固原等倉
原在總制衙門告報兩淮運司成化十五年鹽引糧
草實收前來共該鹽一十二萬二千八百八十八引
填給秦字二號起至十四號勘合一十三道付各商
領齋訖今蒙前因今各邊糧草在在告無多積各該
鎮巡等官不時告乏奏

請戶部多方區處惟恐不及況此先年原剩鹽引若招商
中納不猶愈於他項今將前項緣由并各年引
鹽勘合開坐呈乞照可定奪施行等因據此簿查先

據商人李朝用等告前鹽已絕

可查據案後

今據前因臣於接管卷內查得此為

查勘合業已

德四年八月內該總制尚書才

奏稱

固靖環慶延

綏寧夏各路倉場見在糧料草束不

要將前項中

剩兩淮山東二運司殘鹽仍照原擬招

商上納糧草

但恐各該運司前項引鹽近來差官各

等盡絕乞

勅戶部照卷清查如果見在別無支賣內

商人黃河等

該支二十三萬二千七百五十引之外

其餘九十八

萬三千三十六引乞准招商分撥糧草

不多倉場上

納以備支用等因在卷一向未奉

欽依明文臣查得成化二十一年間原

淮山東二運

司并四川鹽課提舉司成化八年至十九年官鹽二百萬引降剩勘合二百道彼轉運商人田斌等兩准并四川提舉司鹽七十八萬四千一百一十四引填過勘合七十九道近該總制高崇等一奏稱已招商人黃河等該支鹽二十三萬二千七百五十引止是商人楊得山等納過糶料並東該支鹽一十二萬二千八百八十八引已填勘合一十三道前去兩淮運司支鹽餘其餘仍奉例停止通計前後二次中過鹽九十萬七千二百二引已填勘合九十二道未中殘鹽一百九萬二千八百九十八引覓存勘合一百八道內除山東運司二十四萬九千四百六十八引

無人報中實有兩淮運司中剩成化十五十六十七十八等年分常股鹽八十四萬三千四百三十引俱係見存勘合未填之數竊惟邊方儲蓄以預為先以多為貴陝西延綏寧夏甘肅四鎮邊堡倉場糧料草支查得委多缺乏見今漢中之流賊未殄河西之虜患未除賀蘭山後連城不時窺伺近據走回人口說稱虜衆起營往東北去訖冬寒在邇恐其乘凍踏冰入套寧夏邊境如是不能阻遏則陝西腹裏根本之地誠有可憂臣於今年七月內已將十分緊急缺乏糧草緣由具

奏未奉明文近又行據各該兵備巡守等官副使黃

等查勘固原環慶靖遠蘭州一帶倉場或有糧無料
無草或有料無草無草或有草無糧無料或糧料草
束俱無本處生兵支餉尚且不敷倘若動調客兵將
何支給與言及此何為第一陝西巡撫遠在漢中勢
難內顧臣有地方之責豈敢坐視雖經節行布政司
管糧分守等官督徵起運邊糧但各年拖欠糧草遇
例停免止有該年夏秋稅糧數亦不多况地方人民
彫敝催徵急難完納欲發官銀招商易買緣各該司
府州縣庫藏官銀有限又因先年招中糧草商人
節奉事例或將已納糧草兩道併成除或村已納糧
草不行給價以致虧折本怨聲載途即今雖欲招

之莫肯應命惟有前項殘鹽多心樂趨告報者多中
間亦有總制尚書才明文招報運送糧草到倉停
止不得收受情詞激切尤為可憫臣節經行令該司
查理明白欲候奏

請明文至日方准報中但正在緊急缺乏之際若不趁今
收成時月先令收買上納向後河凍報有聲息道路
阻隔不能運送有誤供意已經照依前巡撫都御史
柴昇批行事理行令兵備巡守等官將告報糧料草
束商人逐一拘審分撥固原靖虜環慶蘭州及寧夏
花馬池興武營等處缺乏倉場立限上納仍斟酌地
方遠近險易年歲收成厚薄定與值價如蘭州等處

照依尚書才原擬每一千引上納粟米四百石或
既豆六百石或穀草一萬束固原靖虜環慶等處地
方稍近收成頗可各量為增添花馬池興武營等處
地方險遠脚價高貴量減其數責令各供認在官各
行該倉照數收受明立卷簿收完扣算明白備造方
冊開送布政司及兵備等衙門各收存備照各商給
與該倉印信小票一紙今其執照待有明文至日如
前鹽准令中納照依引鹽價值行仰該倉扣出實收
齎繳該司給與勘合前去支鹽若是不准招中就於
官庫或於該倉查支官錢給還商價各通行去後今
將查處過緣由備陳始末上瀆

天聽伏望

聖明俯念邊事孔艱邊儲關係至重乞

勅戶部查議如是別無障礙具由上

請合無將前項中剩兩淮運司成化十五十六十七十八
等年常股殘鹽八十四萬三千四百三十引准令招
中行仰陝西布政司轉行各兵備巡守等官查原報
糧料草束商人如果上納完足行令該倉出給實收
齎繳該司填給勘合前去運司支鹽不盡之數仍招
商派撥延綏寧夏各缺乏倉場上納以濟目前邊儲
之急以慰三邊軍民之望如事有窒礙難以招中亦
乞降發官銀照依原擬糧料草束斗頭斤數時值給

還各商庶不再虧公家之信重失商人之心將來邊
方儲蓄猶有倚賴緣係查處邊儲事理未敢擅便為
此具本謹題請

旨

題為交收

符驗關防事據陝西都司署都指揮同知鄭廉呈抄蒙鎮
守寧夏地方都知監太監張弼案驗會同總兵官楊
英副總兵仇鉞議將開送

符驗關防卷簿及跟隨書辦吏典於正德五年九月十一
日眼同照依粘單內逐一暫且封收約果在官待新
任巡撫到彼徑自一同交送緣由回報到臣案查先

准吏兵二部并本院咨為缺官事照得巡撫寧夏地
方本院右副都御史馬炳然近節奉

欽依着他守制去吏部便推堪任巡撫的兩員來看欽此
欽遵該吏部會同兵部議得寧夏地方新遭變故雖
旋即事定而賀蘭山後尚多賊營撫禦正須得人右
都御史楊 見在彼處總督軍務合無行令暫在彼
處居住從宜加意撫恤其三邊軍機係干征調重事
仍聽節制待北虜流賊寧靖之後另行具

奏定奪等因題奉

聖旨是欽此欽遵備咨轉行前來除欽遵於本年九月初
一日前到寧夏注劄行事外續准右副都御史馬炳

然咨送遠字二百八十九號

符驗一道巡撫寧夏關防一顆臣暫且封收及將未完卷簿接管施行間本年九月初八日續准吏部咨本年八月十六日該司禮監太監溫祥傳奉

聖旨總制都御史楊一清南京太子少保吏部尚書梁儲致仕工部尚書李鏐各寫勅着馳驛來京吏部知道欽此欽遵備咨前來除將原封收遠字二百八十九號符驗一道巡撫寧夏關防一顆劄仰都指揮鄭廉轉送鎮守寧夏地方太監張弼暫且收貯待新任巡撫至日徑自交送去後今據前因除欽遵候

勅旨至日馳驛赴京外緣係交收

符驗關防事理為此具本謹具題

知

奏為謝

恩事據陝西布政司呈王德五年九月初九日抄蒙鎮守陝西等處地方司設監太監王興案驗為傳奉事奉司禮監印信揭帖本年八月十六日本監太監魏彬等於

乾清宮欽奉

聖旨賞差往寧夏等處勦殺賊寇回還提督軍務都察院右都御史一員楊一清銀五十兩紵絲四束裏內大紅織金胸背獅牙一表墨筆一隻酒十瓶該衙門知道欽

此欽遵本監將奉

旨意事理備云前去陝西鎮巡并三司等官太監王典等

欽遵給散施行等因轉呈到臣除將

欽賜銀兩表裏羊酒等物望

闕叩頭領受外伏念臣因謝病休致家居近者蒙

恩起用奉

勅征勦寧夏賊寇兼程剛來彼時適將宣力元惡授首其

後擒獲逆黨撫安

方皆總督太監張永之功臣不

過隨同行事據實奏報而已曾無尺寸之勞願荷駢

蕃之

賜榮非意及感與懼并人等輝煌侈書生之服用牲醪醉

飽頌餘惠於官兵茲

皇上天地涵育

造化生成欲示勸於衆人不吝賞於片善踰涯之

恩無補過分之

寵奚堪矢竭螻蟻之微忱用荅

乾坤之大德臣不勝瞻仰感戴激切屏營之至緣係謝

恩事理為此具本謹具奏

聞

題為推訪將材以備任用事臣自先年督理馬政巡撫

總制俱在陝西北方近又蒙

恩起用仍總制陝西各路邊務竊念禦戎為今日所急選

將為戎政所先故於陝西延綏寧夏甘涼四鎮大小軍武官員頗嘗留心推訪即行其事兼察其用心驗其器識兼考其材藝雖人材難得未免得此而失彼然使人以器自當舍短而求長况當

朝廷一新政今之秋正臣下以人事

君之日苟有所知安敢隱默除見任主副將官及曾經臣論薦者不聞外竊見分守寧夏西路地方左叅將都指揮僉事馮禎器識雄偉號令嚴肅陝西都司掌印新陞四川叅將署都指揮僉事楊宏文武具備材節兼優是一人者皆可備西北大將之選馮禎久滯邊裨似不盡其用楊宏近惟川將似用違其材甘肅道

擊將軍都指揮僉事英延綏遊擊將軍都指揮僉事源俱有摧鋒之邊戰將號為出色延綏各堡把總都指揮僉事關勳高時彭撼鄭驃指揮使安國寧夏都指揮同知陳珣鄭廉陝西先任遊擊將軍今緣事復職署都指揮僉事子錫守備岷州署都指揮僉事趙文西安後衛指揮使施傑西安前衛指揮同知蔣存禮是數人者俱各閑於弓馬熟於戎陣事體頗皆通達亦無所失用之陝西各鎮大可以備偏裨之選小可以克守備之任或戰或守俱無不宜其餘堪任將領者固多臣未深知不敢濫舉如蒙乞

勅該部再行訪察遇有相應員缺將各官量材擢用其於
陝西三邊軍務必有關蓋緣係推訪將材以備任用
事理未敢擅便為此具本謹題請
旨

題為薦舉賢能官員事臣
見陝西布政司左布政使
燕忠心知嚮正官有執
勤能匪懈比遷藩臬正
瑾氣燄熏灼之時獨無
附縣干謁臣比緣查處邊儲
本官盡心區畫事有條
理委係賢勞相應薦舉其餘
希按二司官員雖有才能
臣職在軍旅未經委用試
驗不敢泛陳乞

勅吏部再為詢訪果如臣言仕有相應員缺將燕忠早加
推擢任用庶使方面臣僚有所激勸典起緣係薦舉
賢能官員事理未敢擅便為此具本謹題請
旨

奏為陳情乞

恩辭免

欽取陞任容令休政事正德五年九月十九日該國原衛
指揮符深齋捷節該欽奉

勅先因西邊有事特起爾總制軍務今地方已寧勅至爾
即馳驛來京毋得稽遲故勅欽此欽遵於本月二十二
日起程外本月二十八日准吏部咨為缺官事該本

部等衙門題照例會推得臣等堪任戶部尚書等因
具題節該奉

聖旨楊一清陞戶部尚書欽此欽遵備咨列臣
綸音渙召既承馳驛之榮金部需才復玷尚書之選便蕃
有

命局踳無容臣稟賦素薄血氣早衰往年因病休官幾莫
逃於法網比者間變強起幸適命夫成功自到寧夏
以來苦於馳驅疲於案牘目疾屢作痰氣時攻已於
本年九月初一日備將衰病不能供職緣由具本陳
情乞歸休致方屏膏而候

命忽

微拜以蒙

恩益深覆餗之憂重切臨淵之懼伏念

君命所召不收積勞之程前遣行至河南懷慶衛輝等處

地方加以風濕一發舊疾轉甚心忪怔忡頭目暈眩

胸腹脹悶

之軀終非

朝坐之器竊思

國家元氣所係

腐衰憊之人

逃曠職素

朝廷一新政令

正臣下

三九